

高宗純皇帝實錄（二三）

卷九七四至卷一〇四七
乾隆四十年至四十二年

清實錄

第二冊

中華書局影印

清實錄第二一冊目錄

高宗純皇帝實錄(一一三)

卷九七四	乾隆四十年正月上	二五〇九
卷九七五	乾隆四十年正月下	二五二三
卷九七六	乾隆四十年二月上	二五三四
卷九七七	乾隆四十年二月下	二五五一
卷九七八	乾隆四十年三月上	二五六四
卷九七九	乾隆四十年三月下	二五七七
卷九八〇	乾隆四十年四月上	二五九〇
卷九八一	乾隆四十年四月下	二六〇〇
卷九八二	乾隆四十年五月上	二六二三
卷九八三	乾隆四十年五月下	二六三六
卷九八四	乾隆四十年六月上	二六四〇
卷九八五	乾隆四十年六月下	二六四九
卷九八六	乾隆四十年七月上	二六六二

卷九八七	乾隆四十年七月下	二六七四
卷九八八	乾隆四十年八月上	二六八九
卷九八九	乾隆四十年八月下	二七〇三
卷九九〇	乾隆四十年九月上	二七二二
卷九九一	乾隆四十年九月下	二七三六
卷九九二	乾隆四十年十月上	二七五四
卷九九三	乾隆四十年十月下	二七六九
卷九九四	乾隆四十年閏十月上	二七八六
卷九九五	乾隆四十年閏十月下	二七九八
卷九九六	乾隆四十年十一月上	二八一六
卷九九七	乾隆四十年十一月下	二八三八
卷九九八	乾隆四十年十二月上	二八五四
卷九九九	乾隆四十年十二月下	二八六六
卷一〇〇〇	乾隆四十一年正月上	二八八三
卷一〇〇一	乾隆四十一年正月下	二九〇四
卷一〇〇二	乾隆四十一年二月上	二九一七
卷一〇〇三	乾隆四十一年二月下	二九三九

卷一〇〇四 乾隆四十一年三月上 二九六三

卷一〇〇五 乾隆四十一年三月下 二九八八

卷一〇〇六 乾隆四十一年四月上 三〇〇九

卷一〇〇七 乾隆四十一年四月下 三〇三三

卷一〇〇八 乾隆四十一年五月上 三〇四一

卷一〇〇九 乾隆四十一年五月下 三〇五四

卷一〇一〇 乾隆四十一年六月上 三〇六三

卷一〇一一 乾隆四十一年六月下 三〇七七

卷一〇一二 乾隆四十一年七月上 三〇九〇

卷一〇一三 乾隆四十一年七月下 三一〇〇

卷一〇一四 乾隆四十一年八月上 三一二六

卷一〇一五 乾隆四十一年八月下 三二三五

卷一〇一六 乾隆四十一年九月上 三二三七

卷一〇一七 乾隆四十一年九月下 三三三三

卷一〇一八 乾隆四十一年十月上 三三六三

卷一〇一九 乾隆四十一年十月下 三三七四

卷一〇二〇 乾隆四十一年十一月上 三三八三

卷一〇二一 乾隆四十一年十一月下 三三九一

卷一〇二二 乾隆四十一年十二月上 三三〇一

卷一〇二三 乾隆四十一年十二月下 三三三二

卷一〇二四 乾隆四十二年正月上 三三三五

卷一〇二五 乾隆四十二年正月下 三三三三

卷一〇二六 乾隆四十二年二月上 三三五七

卷一〇二七 乾隆四十二年二月下 三三七四

卷一〇二八 乾隆四十二年三月上 三三八七

卷一〇二九 乾隆四十二年三月下 三三九九

卷一〇三〇 乾隆四十二年四月上 三三三一

卷一〇三一 乾隆四十二年四月下 三三三三

卷一〇三二 乾隆四十二年五月上 三三三七

卷一〇三三 乾隆四十二年五月下 三三三三

卷一〇三四 乾隆四十二年六月上 三三六三

卷一〇三五 乾隆四十二年六月下 三三七四

卷一〇三六 乾隆四十二年七月上 三三八四

卷一〇三七 乾隆四十二年七月下 三三九七

大清高宗法天隆運至誠先覺體元立極敷文
奮武孝慈神聖純皇帝實錄卷之九百七十四

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務處黃旗滿洲都統世襲騎都尉軍功七級隨帶加一級尋常加二級軍功紀錄一次臣謹修

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次臣總纂修經筵講官太子少保工部尚書紀錄六次臣費振鵬等奉

敕修

乾隆四十年乙未春正月己酉朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○庚

戌

上奉

皇太后幸金昭玉粹侍早膳重華宮侍晚膳○

諭額駙等向俱照公主封號授為固倫額駙

和碩額駙惟公主所生之子未經定例賞給

品級此內如下嫁蒙古王公之公主等所生

之子本各有應得品級無庸另為辦理至在

京公主所生之子若不授以品級於體制殊

未允協嗣後在京公主所生之子至十三歲

時如係固倫公主所生即給予伊父固倫額

駙品級和碩公主所生即給予伊父和碩額

駙品級現在豐紳濟倫年已十三即著賞給

伊父和碩額駙福隆安品級著為例○又諭

昨歲江蘇淮安一帶八月間因黃水驟長漫

決外河老壩口以致山陽清河等縣猝被水

災業經降旨賑卹並將乾隆四十年應徵錢

糧全行豁免及乙未年漕糧漕項同節年舊

欠錢糧漕米悉予緩徵災黎自可不致失所

第念該處。此次被災情形較重。今春正賑已畢。貧民待哺。猶殷著。加恩將山陽、清河、鹽城、阜寧等四縣坐落山阜等縣之淮安、大河二衛。勘實被災十分之貧民。無分極次。再加賑兩個月。成災八九分者。無分極次。加賑一個月。以資接濟。其下游之東臺、泰州、興化等屬。先經被旱。勘明成災。自五分至七八分不等。皆係一隅偏災。與山陽等處情形不同。照例賑濟。均已口食有資。但轉瞬東作屆期。或應

酌借籽種口糧之處。並著該督撫察看確情。妥協酌辦。用普春澤。再安徽之定遠、壽州等處。上年亦缺雨。偏被旱災。除查明零星勘不成災外。所有合肥、定遠、全椒、三縣被旱田地。較廣。鳳陽、壽州、宿州、泗州、盱眙、五州縣。雖被災較輕。但均係前歲災歉之區。恐今春青黃不接之時。民力不無拮据。並著加恩將八九分極次貧民。同七分災極貧民。各加賑一個月。至廬州、鳳陽、長淮、泗州、四衛災軍。各隨坐

落合肥等州縣一體加賑。以昭一視同仁之至意。其無庸加賑次貧以下。如有應行酌借籽種牛具之處。並著該督撫察看情形酌辦。俾窮黎均霑實惠。該部遵諭速行。○又諭直隸天津、河間等屬。上年偶被偏災。業經賞撥通倉米十萬石。以備賑濟之需。民食無虞。缺乏。惟念被災各戶。計至昨冬正賑已畢。今春青黃不接。二麥尚未登場。民間口食未免拮据。著加恩將天津、青縣、靜海、滄州、南皮、鹽山、

慶雲、獻縣、交河、東光、武邑、武強、霸州、文安、大城、寧河等十六州縣。無論極次貧民。應於正月起。均予加賑兩個月。俾資接濟。再景州以西地方。有與武邑災地毗連村莊。河間、肅寧、與獻縣災地毗連各村。並阜城、毗連交河災地各處。經該督覆勘。應入六七分災者。並著一體查明給賑。以示一視同仁至意。該部即遵諭行。○定邊右副將軍廣州將軍明亮奏。贊大臣副都統舒常奏。帶石達爾圖等處賊

番負嵎固守屢詢投出番人供稱賊番以正地一路官兵業經徹出即將番衆調往綽斯甲布嚴防等語臣等密諭土司雍中旺爾結等抽派土兵一千名擬於正地一帶覓間進攻掩其不備諭軍機大臣等覓路進攻分掣賊勢固屬出奇制勝之一法但奇正並用則可若專恃正地一路為得計而於達爾圖宜喜等處概置不辦則斷不可雖賊番護巢自衛守抗益堅我兵未能直進若用礮轟其碉

卡使日就傾頽賊衆自難久聚諒非力所難及明亮等何竟不籌辦及此看來各路之兵惟阿桂一路最為可望朕前日用硃筆標記之路似應得手歲內晴霽月餘為番境從來未有之事自係迅掃賊巢佳兆但番地氣候春間每多雨雪今已立春尤宜上緊籌辦不可羈延坐待將軍等統兵勦賊冒險撲礮或致稍有挫誤自非所宜若過於慎重不能制勝乘時亦非良策著傳諭阿桂等當妥速行

之辛亥

上詣

皇太后宮問安 御紫光閣賜蒙古王公台

吉及回部郡王等宴 召大學士及內廷

翰林等茶宴以天祿琳琅聯句 諭湖廣

提督李國柱陞見來京於十二月二十四

日召見畧詢地方情形因諭汝尚未至老

邁可仍回任語未畢彼即奏請於新正初

二日請訓仍告假掃墓以其言不近理顧

而哂之即令其出俾其自知省悟乃伊竟於昨早具摺告假而去可謂不知禮之甚者矣外省提鎮來京每有召對時經朕諭令回任或有再三懇請多留數日者雖未必盡出於中誠然在臣子奉上之義自應如此今李國柱既請陞見入都乃甫一召見輒思回任且正值新年凡朝覲至者均集於此而該提督遽以回籍掃墓為請太覺不識輕重朕宵旰勵精辦理庶務從不稍

羈時刻。或遇軍報要件。即除夕元旦。何日不召見軍機大臣。降旨籌辦。並不因令節少嫌煩碎。至臣下乞假私情。且係拜掃之事。豈新歲所宜言。李國柱不過因在京多住一日。恐畧添用度。遂爾急欲告假。冀圖省費。竟置大體於不顧。所見實屬猥瑣。況伊在提督任。亦非出色之員。即如楚兵在川省軍營者。前據富德奏稱。衣履不全。皆由楚省解送遲延所致。雖非李國柱專責。既為提督。則通省之兵。

何一非伊所轄。亦應向陳輝祖豫為商酌。以供接濟。乃竟視同膜外。且此事朕尚未問及。彼乃急遽請回。若此。尤屬不合。李國柱著交部嚴加議處。又諭。昨歲甘肅夏秋二禾。據報通省收成。統計八分有餘。尚屬豐稔。惟皋蘭、武威等七州縣。夏禾被有偏災。而皋蘭、金縣等五處。秋禾復被霜雹。均經先後分別照例賑卹。災黎自可不至失所。第念該省土瘠民貧。其被災之夏秋二禾。收成未免歉薄。閭閻不無拮据。著加恩將皋蘭、武威二縣夏禾被災較重之處。於青黃不接時。再展賑一個月。其被災較輕之靈州、寧朔、平羅、鎮番、沙泥州、判等五處。如有缺乏籽種、口糧。並著該督隨時體察。照例酌借。以資接濟。又皋蘭、金縣等五處。秋禾亦被偏災。除皋蘭一縣已於夏災案内展賑外。所有金縣、西寧、平番、肅州、四州縣屬。並著一體展賑一個月。以示朕軫卹邊氓至意。該部遵諭速行。○又諭。甘肅僻近西陲。民貧土瘠。一遇水旱偏災。即降旨蠲賑。緩帶。殆無虛歲。比年各屬收成。尚稱豐稔。所有該省自乾隆二十三年至三十五年。民借籽種、口糧、牛本等項。積欠甚多。前念邊地民食維艱。特將積欠糧四百餘萬石。全行豁免。其折色銀一百三十二萬餘兩。分作六年帶徵。以紓民力。乃自三十五、六、七、八等年。僅完銀二十八萬六千餘兩。仍未完銀一百四十萬餘兩。地方官以定有年限之項。照例按數催

徵第念該省每年均有應徵地丁籽糧等項若同時新舊並徵民力恐不無艱窘自應再加區別展帶用昭體卹所有河州等二十五處歷年雖間有災傷不過一隅收成尚稔其未完銀十三萬六千八百餘兩仍依原限帶徵外其寧遠等十二處雖有偏災尚不致荒歉其未完銀十八萬四千六百餘兩於原限之外再展限二年至皋蘭等十二處歷年被災稍重民力更覺拮据其未完銀七十一萬

九千餘兩於原限之外再展限四年俾得從容完納該督務將應徵應緩之處出示曉諭令小民共知朕格外加恩之至意該部即遵諭行○壬子諭前據伍彌泰奏稱加木喀爾裏塘等處夾壩賊搶奪官物殺傷行人朕以此等賊匪膽敢一連搶奪二次殊無法紀務須上緊查拏正法示衆今據恒秀奏到加木喀爾之賊俱已全行拏獲至文綬所差副將韓廷良等往拏裏塘之賊祇獲二名其餘尚

未就獲著傳諭文綬嚴飭所屬實心訪拏毋使漏網將此傳諭伍彌泰恒秀知之○癸丑諭上年東省秋田尚屬有收惟壽光等縣沿海村莊於八九月間偶被風潮豆麥間有淹損業經照例撫卹並將成災六七八分之場地按次分別加賑小民俱已得所但念成災地畝昨秋未收菽豆等項及所種麥苗均經被淹受傷今歲春花不無失望著加恩將壽光樂安濰縣等三縣並官臺王家岡二場成

災各村莊無論極次貧民竈戶於二月間再加賑一個月俾瀕海窮黎均霑愷澤又山西之永寧州臨縣上年亦偶被山水田禾幸未受傷照例撫卹民情已屬安帖第被水之戶今春或有應酌借籽種之處亦著該撫確查妥辦以普同仁該部即遵諭行○又諭昨歲豫楚二省俱獲豐收惟河南之信陽光州等處湖北之安陸等州縣衛均因夏秋之間偶爾缺雨間成一隅偏災秋收未免歉薄業經

照例分別撫卹加賑小民已不致失所但今歲青黃不接之時窮黎口食未免拮据著加恩將河南之信陽羅山光州光山固始五州縣極次貧民概行加賑一個月湖北之安陸京山隨州孝感應山棗陽六州縣及屯田坐落六州縣之武昌武左德安襄陽四衛將成災七八分極次貧軍民於例賑之外各加賑一個月其餘五六七分災之鍾祥荊門雲夢應城襄陽宜城等民屯地畝並著該督撫酌看情形分別借給籽種以濟春耕該督撫等其董率屬員實心經理務俾茅簷均霑實惠以副朕軫卹民隱至意該部遵諭速行○諭軍機大臣等據徐績奏查閱南陽鎮屬營伍有陳州營都司范樹欽錄黃旗漢軍漢仗弓馬俱去得但於營伍事宜不甚曉暢應遵新奉諭旨將該員解任回京咨部引見等語所辦非是前因周元理奏直省綠營旗員內有弓馬生疎者請照例勒限半年學習朕以滿

員簡用外任原使為綠營標準若在任武藝轉致荒廢殊失八旗勇敢之風是以降旨令回京引見并諭各省均照此辦理原係專指滿洲人員而言今范樹欽係屬漢軍本不必援以為例如該員弓馬平常或至廢弛營伍該撫即當照例糾叅今弓馬既稱去得且年甫三十尚堪造就即云營伍不甚曉暢訓練未能熟諳自應勒限令其學習如再不知改悔即據實劾奏從重議處未晚何必遽令徹回此乃徐績誤會前旨以致辦理未當且以已係漢軍避瞻徇之嫌該撫平日尚屬能事何致舛誤乃爾以此觀之無怪其前在山東於逆匪滋事之案漫無覺察調度貽誤地方也今朕加恩錄用徐績自當力圖改勉若如此糊塗錯謬恐不能承受朕恩矣徐績著傳旨申飭○又諭本日敦福奏到年終彙奏各摺均已批閱此等彙奏事件無須臨時查辦自應於歲前入奏方合年終彙奏之義今敦

福所奏甄別佐雜及各衙門幕友二摺直至
新年始行奏到殊屬遲緩敦福著傳旨申飭
○是日立春順天府進土牛春山寶座○甲
寅諭曰柏琨在庫倫四年有餘著派索琳前
往庫倫換柏琨回京○命和碩額駙福隆安
子豐紳濟倫在御前行走○乙卯

世祖章皇帝忌辰遣官祭

孝陵○諭前據兵部參奏署雲貴總督圖思德
擅用八百里臺馬沿途趕回奏摺夾板一事

諭令袁守侗就近查詢據實覆奏并令圖思
德明白回奏今據袁守侗奏稱查問圖思德
因奏摺牌文俱係豫先繕就填註十一日及
至十四日始行拜發未及改正日期後經想
起恐沿途驛站疑詰隨差標丁持牌追趕並
未填寫限行里數後追趕不及仍將原牌繳
回其擅填八百里則係昆明縣票轉傳現在
另行查奏並據圖思德回奏請旨交部嚴加
議處各等語是圖思德於此事尚無別項情

節但該署督不過發摺日期填寫小誤並非
大過即隨便附摺奏明朕亦不加之責備乃
輒差弁丁持票追趕其咎轉較日期錯誤為
重雖填用八百里臺馬係昆明縣轉傳自有
擅動驛馬之咎俟袁守侗圖思德奏到日
再辦但其事究因圖思德急欲趕回奏摺所
致即屬不合圖思德著交部嚴加議處○定
西將軍尚書阿桂定邊右副將軍尚書公豐
昇額參贊大臣領侍衛內大臣色布騰巴勒

珠爾都統海蘭察副都統額森特奏賊番於
榮噶爾博山梁及沿河各處竭力死守自宜
於近賊處所來問進攻隨於十二月二十三
日抽撥漢土官兵由薩斯嘉赤溝繞路前進
二十四日抵葛則大海向南山腿之下兩路
官兵同時進撲攻克中間一柵賊番出碕衝
突被鎗箭殲斃十餘人餘悉入碕堅守其康
薩爾山腿上第一碕於二十四日派烏什哈
達等從正面山脊仰攻賊用鎗礮石塊於寨

牆內堵禦。臣等督率官兵。施放火礮。牆內賊。番傷斃者甚多。勢極窮迫。諭軍機大臣等。此次官兵進攻。殺賊頗為不少。賊衆自必膽寒。若能攻克得式梯寨。則進剿勒烏圍。自然勢如破竹。阿桂等。及此天晴雪少之時。務須上緊籌辦。勿遲至二三月間。雨雪甚時。致有稽阻。但亦不可不審度利害。冒險撲礮。惟當妥酌行之。至於官兵分路進攻。均距賊巢不遠。而阿桂一路。尤為得力。現在賊番。雖間有潛

出滋擾之事。我兵各處嚴為防範。可不致有疎虞。即或賊番死守。官兵未能迅入。諒賊勢不過延挨數月。自必滅亡。今事屆垂成。萬無中止之理。國家帑藏充盈。軍需之用。寬然有餘。計兩次撥銀九百萬兩。現已陸續到川。約可用至四五月內。設再需用五六百萬。方能歲事。亦所不惜。想阿桂等。必能深體朕心。斷不稍存畏難作輟之見。但應將此意。令滿漢官兵。及土司土練等。一體聞知。俾堅其心。於

事更為有益。○丙辰。享

太廟。遣履郡王永城。恭代行禮。○遣官祭

太歲之神。○

上詣

大高殿行禮。○奉

皇太后居長春仙館。○詣

安佑宮行禮。○辛圓明園。○丁巳。諭軍機大臣

等。今日海成奏到。蒐羅遺書一摺。據稱紳士

明理之人。現在宣揚恩旨。伊等天良難泯。自

當呈獻無遺。但恐村僻愚民。本不知書。而家

藏斷簡遺編。或涉不經。更有讀書舊家。子孫

零替。其敗筭殘篋中。不無違礙書籍。而目不

識丁。雖出示收繳。亦難必其盡獻。現在復飭

各屬。傳集地保。逐戶宣諭。無論全書廢卷。俱

令呈繳。按書償以倍價。俾盡行繳出。以便分

別辦理等語。所辦頗好。各省查辦遺書。其中

狂悖字句。節經降旨。各督撫實力查繳。並准

其自行首出。仍不加之罪愆。雖現在各省已

有繳到者。而所繳尚覺寥寥。其勢似未能遍及。今海成所辦較為周到。且又不致煩擾各省。自可做而行之。著傳諭各督撫。照式一體妥辦。海成原摺並著鈔寄閱看。○又諭前據徐績奏。將盤獲逆匪王倫。總麻服姪王有介。小功服弟王柄。二犯押解到京。經朕交軍機大臣會同刑部審訊。今據王有介供稱。上年八月二十五日。王倫即有封為總兵之說。及至二十八日。果見王倫起事。因赴張秋鎮告

知王柄同逃。九月初七八。過渡黃河。尚有改名登簿為據等語。所供情節似尚不妄。應俟該撫查明覆奏到日。再行覈辦。至逆匪於未經起事之前。即有封官妄議逆跡。久已顯然。該知縣既經聞知。若能及早掩捕。尚可先發制人。何至蔓延為害。是該縣之庸迂貽誤。罪無可辭。因其已被賊戕。予以優卹。使其人尚在。必當重加懲治。是該縣轉因以身殉賊。而得益也。至該撫徐績身任封疆。於地方叛逆

重案蓄謀日久。竟爾漫無覺察。釀成事端。其獲戾本不為小。今已加恩復用。已往之事姑置不論。徐績當倍知感奮。改悔以蓋前愆。若仍不知自勵。於地方要務復有疎畧貽誤之處。必加倍重治其罪。不能再為寬宥也。將此傳諭知之。○戊午。

上還宮。○諭軍機大臣等。據周元理奏。現在修理郊勞臺。其舊設黃幄處。已建八方亭一座。立有御製詩碑。可否即於亭內。安設寶座。酌量裝修。抑或拆去四面圍牆。芟除樹木。填成平地。請旨遵行等語。已於摺內批示。碑亭建於舊張黃幄之所。亭內平地鋪石。極為完整。於此安設座次。即屬甚好。祇須於靠後三面添設背板。以為護風屏。便不嫌其空曠。至圍牆外地。本無需用之處。所有舊牆不必拆動。其樹木培植十餘年。現已長成高茂。尤無因此芟除之理。著將此傳諭周元理知之。○是日起。

上以祈穀於

上帝齋戒三日○已未諭軍機大臣等連日盼望各路軍報甚切至明亮等前奏分路勦賊之說雖非正辦若果乘間得手亦足稍分賊勢乃今日奏到尚係發土兵前往正地起程日期而帶石軍營作何籌備之處未據提及殊不可解明亮等前此雖奏稱賊番將山岡剗斷以阻官兵進路亦祇帶石一處為然豈能將各處山岡盡行剗斷且金川番衆屢有

投出之人伊等有路可來官兵豈無路可往明亮等何竟不設法進攻幾同守株待兔倘賊番因我攻擊稍懈仍然偷暇耕作又可積糧持久殊為非計至土兵前往正地不過如治病偏方未可專恃明亮等若僅駐兵此處觀望不前何由得進豈有已近賊巢復欲生待經年之理雖冒險撲礪非行軍所宜然亦豈可因噎廢食不思急圖進取明亮等惟當鼓勵官兵激其勇敢之氣以期覓間得勝斷

不可稍涉遷延坐失機會各路將軍等均當一體努力為之○命侍講學士金士松在南書房行走○以鑲藍旗蒙古副都統和隆武為正藍旗蒙古都統○庚申上詣

南郊齋宮齋宿○諭前據弘晌等奏查審逆犯呂留良之孫呂懿兼曾孫呂敷先捐納監生一事係戶部辦理錯誤現已另降諭旨至檢閱刑部原議作為另戶之案竟係錯會朕旨

朕前諭令將發遣之曾為職官及舉貢生監出身者免其為奴於戌所另編入旗出戶當差係指尋常為奴遣犯而言其真正反叛及強盜免死減等人犯原旨即在開除不辦之列若呂留良子孫係大逆重犯緣坐即屬反叛豈可援輕罪有職人員概免為奴出戶致令逆惡餘孽得仍竄籍良民實不足以示懲創而申法紀即如此次王倫之族設有舉貢生監亦免其為奴出戶乎著交刑部存記嗣

後如遇辦理此等大逆緣生之案。不特舉貢生監不應減免。即官職甚大者。既為逆犯子孫。罪在不赦。亦不當復為區別。所有呂懿兼呂數先。二犯前既倖為開戶。今復妄思混廁衣冠。情罪尤為可惡。若僅照該將軍所擬永遠枷號。罪及其身而止。尚不足以蔽辜。著將該二犯及其家屬。俱發往黑龍江。給與披甲之人為奴。○又諭弘昉等奏查審呂留良之孫呂懿兼曾孫呂數先倖列開戶。及混行捐

監一事。檢閱原案刑部既誤於前。戶部復誤於後。所有呂懿兼呂數先。二犯改定罪名之處。現已另降諭旨。其刑部從前議免為奴。本難辭舛謬之咎。但事隔久遠。原辦之堂官。俱已無存。姑免置議。至呂懿兼呂數先捐監。戶部兩次准其捐監。則係近年之事。閱戶部原稿。大學士于敏中亦曾畫行一次。念其日直內廷。所辦事務較多。於部內常行稿件。未暇詳加檢閱。著從寬免其交部。即侍郎梁國治

彼時亦尚未到任畫稿。其餘各堂官。辦理部務。理宜詳慎。何乃於此等稿件。全未寓目。率行畫諾耶。著將此案畫稿之戶部堂官。俱交部議處。○又諭向遇上元節。例穿蟒袍三日。今年正月十六日。適屆月食。雖月食非日食。可比為春秋所不書。但究關垂象之義。亦應昭敬。是日著止穿常服。其蟒袍改於十七日補穿。所有應行筵宴。亦著改於十七日。○諭軍機大臣等。福建學政汪新。差滿回京復命。

召見時。看其人尚明白。未知其在學政任內。聲名若何。辦事才情若何。能否堪勝道府。或竟可備兩司之用。鍾音與彼同事三年。知之必悉。著傳諭鍾音。即行據實覆奏。尋奏汪新於學政任內。考校諸務。頗屬認真。人亦謹飭明白。似堪勝巡道郡守之任。得旨是。已用道矣。○又諭向來各省學政。三年差滿。該督撫間有將其任內考試聲名若何。具摺附奏者。亦有竟不奏及者。至其辦事才情若何。是否